

**17 МАРТА: Преподобного и благоверного великого князя Даниила
Александровича Московского.**

Вечером 16 марта

Изменяемое №1

На Господи воззвах:

Стѹх: Изведѹ из темницы дѹшу мою, исповѣдаться ѹмени Твоемѹ.

Стѹх: Менѣ ждѹт праведницы, дондеже воздаси мнѣ.

Стѹх: Из глубины воззвах к Тебѣ, Господи, Господи, услыши глас мой.

**Глас 6. Всю отложив временную славу мѣра,/ сиянием Дѹха Святаго
просвѣщая,/ Даниїле Богомѹдре,/ страстная възграна
воздержаніем изсушил еси,/ и легкое евангельское бремя воспріал
еси, крест твой,/ и, послѣдуя Владыце Христѹ,/ обрел еси лѣствицу
Небесную,/ по нейже восшѣд, достигл еси Горняго Иерусалима,/ и
Христовѣ Царствія сонаслѣдник явился еси,/ и со Ангелы, радуясь,
Божественнаго лицезрѣнія Егѡ наслаждаѣеши,/ Егѡже моли дѹшам
нашим даровати мир и велию милость.**

Стѹх: Да бѹдут ѹши Твоѹ внѣмлюще гласу молѣнія моего.

**Все отложив начальство княженія державы,/ кротостию нрава
утверждаѣя,/ и теплейшим желаніем к Бѹгу горя,/ монашеское
житіе воспріал еси,/ Богоподражательне княже Даниїле,/ вся
плотская увядил еси мудрованія,/ и целомѹдрія столп показался
еси,/ и, смиренномѹдрствуя, возвысился еси к Горнему жилищу,/ и
идеже вѣну Христѹ Бѹгу предстоѣ,/ моли дѹшам нашим даровати
мир и велию милость.**

Стѹх: Аще беззаконія нѣзриши, Господи, Господи, кто постоит; яко у Тебѣ
очищѣние естъ.

**Все отложив наслажденіе земныхъ вещей/ Вѣшняго ради
наслажденія,/ воздержанію поревновал еси/ и страстей пламень
потщался еси угасити слезными потоки молитв твоих,/ и
воздержаніем же и пощѣніем,/ яко благовѣнной пищей, напитал еси
дѹшу твою,/ темже и, непорѣчное и праведное житіе проходя,/**

достігн есі Владычня Престола,/ отонудуже светлостью озаряясь,/ моли Царя Христа душам нашим даровати мир и велию милость.

Стіх: **Имене ради Твоего потерпех Тя, Господи, потерпé душá моя в слово Твое, уповá душá моя на Господа.**

Всю возложив на Подвигоположника надежду,/ пространный міра путь оставив,/ узким же и прискóрбным монашескаго житія шествовал есі,/ Богоблаженне княже Даниїле,/ порфіру, и виссон, и царскую багрянницу,/ славу же и богатство мимотекущее в ничтоже вменив,/ Небесное богатство и славу вечную воспріяти удостоился есі,/ и ныне в нетленной жизни пребывая,/ моли, Ему же предстоиши,/ даровати душам нашим мир и велию милость.

Стіх: **От стражи утренняя до нощи, от стражи утренняя, да уповáет Израїль на Господа.**

Глас 2: **Кіими Божественными пёсньми/ восхвалим великаго князя Даниїла,/ в постницах воздержания рачителя,/ в княжении милосёрдна начальника,/ вдов и сирот предстателя,/ нищих питателя,/ странных и скорбных утешителя,/ православных побóрника,/ вражды прогонителя, обидимых заступника,/ его же ради Христос земли Россійстей дарует/ мир и велию милость.**

Стіх: **Яко у Господа милость, и многое у Него избавление, и Той избáвит Израїля от всѣх беззаконій его.**

Кіими всепразднственными хвалами/ ублажим Даниїла блаженного,/ трудолюбнаго Христова сада делателя,/ смиренномудрия чистое зеркало,/ иноков удобрение, преподобных радование,/ Ангелов собесѣдника,/ Небесных жителей сонаследника,/ славу Россійския земли,/ видимых враг победителя,/ его же ради Христос российским людем дарует/ мир и велию милость.

Стіх: **Хвалите Господа всі языцы, похвалите Его всі людие.**

Кіими похвальными венцы/ венчаем Даниїла премудраго,/ князей российских похвалу,/ источника Божественных исцелений неоскуднаго,/ чистое и нескверное Святыя Троицы жилище,/ реку чудес неисчерпаему,/ добродетелей правило,/ Безплотных житія

подража́теля,/ Небе́снаго гражда́нина,/ егóже ра́ди Христóс
ва́рварския по́лчища низложí,/ имéяй мир и ве́лию мíлость.

Стíх: Я́ко утверди́ся мíлость Егó на нас, и úстина Господня пребывáет во вéк.

Кíими радостотвóрными устáми/ возвели́чим Даниíла,/ свéтлую
звездú, на мýсленней твéрди Россíйстей просия́вшую,/ тéплаго
застúпника гра́ду нáшему,/ сýщим в бедáх скóраго поспéшника/ и
всех притека́ющих к нему́ изба́вителя,/ в бранéх мýжа непобедíма,/
егóже ра́ди Христóс, вра́жия шатáния низложíв,/ лю́дем Своím
дарова́ мир и ве́лию мíлость.

Сла́ва, глас 6: Приидíте, празднóлюбных собóри,/ Бóгом
постáвленной святíтели со иере́и,/ мона́си со всем христоро́бным
мнóжеством,/ свéтлый лик соста́вльше,/ Давíдскую воспоём пéснь
доброплóдной óтрасли Алексáндровой,/ Богоблаже́нному князю
Даниíлу:/ сей бо, насажде́н в блаже́нном дому́ отца́ своего́,/ я́ко
фи́никс высокове́рхий, в добродéтелях процвёл,/ и да́же до
преставлéния ве́рен бы́сть подража́тель всех дел родíтеля своего́,/ и
ны́не с ним в Небесéх кúпно ликовству́я,/ мо́лится непреста́нно/
сохранíтися отéчеству своему́ и держáве нáшей,/ побéду на
супостáты да́руяй моли́твами сво́ими.

И ны́не: Кто Тебе не ублажит, Пресвятая Дево;/ кто ли не воспое́т
Твоего Пречистаго Рождества;/ безлетно бо от Отца возсия́вый Сын
Единородный,/ Тойже от Тебе, Чистыя, пройде,/ неизреченно
воплощься,/ естеством Бог Сый,/ и естеством быв Человек нас
ради;/ не во двою лицу разделя́емый,/ но во двою естеству/
неслитно познава́емый./ Того моли, Чистая Всеблаженная,/ по-
миловатися душам нашим.

<далее см. основной Чин>

Изменяемое №2

Прокíмен после «Свéте тíхий»: *См. Прокимен дня <далее см. основной Чин>*

Изменяемое №3

Паримии:

Премýдрости Соломóни чтéние (глава́ 3):

Пра́ведных душí в ру́це Бóжией,/ и не прикóснется их мýка./
Непщевáни бы́ша во очесéх безúмных умре́ти,/ и вменíся
озлоблéние исхо́д их./ И е́же от, нас шéствие сокруше́ние,/ онí же

суть в мире./ Ибо пред лицем человеческим аще и муку примут,/ упование их безсмертия исполнено./ И в мале наказаны бывше,/ великими благодетельствованы будут,/ яко Бог искуси я/ и обрете их достойны Себе./ Яко злато в горниле, искуси их/ и, яко всеплодие жертвенное, прият я./ И во время посещения их возсияют/ и, яко искры по стеблию, потекут./ Судят языком и обладают людьми,/ и воцарится Господь в них во веки./ Надеющиеся Нань разумеют истину/ и вернии в любви пребудут Ему,/ яко благодать и милость в преподобных Его/ и посещение во избранных Его.

Премудрости Соломона чтение (глава 4):

Праведник аще постигнет скончаться, в покое будет./ Старость бо честна не многолетна,/ ниже в числе лет исчитается./ Седина же есть мудрость человеком,/ и возраст старости – житие нескверное./ Благоугоден Богу быв, возлюблен бысть/ и живой посреде грешник представлен бысть./ Восхищен бысть, да не злоба изменит разума его/ или лость прельстит душу его./ Рачение бо злобы помрачает добрая,/ и парение похоти пременяет ум незлобив./ Скончався в мале, исполни лета долга,/ угодна бо бе Господеви душа его,/ сего ради потщася от среды лукавствия./ Людие же видевше и не разумеите,/ ниже положше в помышлении таковое,/ яко благодать и милость в преподобных Его/ и посещение во избранных Его.

Премудрости Соломона чтение (глава 5 и 6):

Праведницы во веки живут,/ и в Господе мзда их, и попечение их у Вышняго./ Сего ради примут Царствие благолепия/ и венец доброты от руки Господни,/ зане десницею покрывает я и мышцею защитит их./ Приимет всеоружие рвение Свое/ и вооружит тварь в месть врагом./ Облечется в броня правды/ и возложит шлем суд нелицемерен./ Приимет щит непобедимый преподобие,/ поострит же напрасный гнев во оружие,/ споборет же с ним мир на безумных./ Пойдут праволучныя стрелы молниины/ и, яко от благокругла лука облаков, на намерение полетят./ И от каменометныя ярости исполнь падут грады,/ вознегодует на них вода морская,/ реки же потопят я нагло./ Спротив станет им дух силы/ и, яко вихор, развеет их,/ и опустошит всю землю беззаконие,/ и злодейство превратит

престо́лы си́льных./ Слы́шите у́бо, ца́рие, и разуме́йте,/ нави́кните,
судии́ конце́в земли́,/ внуши́те, держа́нии мно́жества/ и гордя́щиеся
о наро́дах язы́к,/ я́ко дана́ е́сть от Го́спода держа́ва вам/ и си́ла от
Ви́шняго.

<далее см. основной Чин>

Изменяемое №4

Лития *глас 3*;

Богоизбра́нная степенноросси́йская о́трасль/ и насле́дник
держа́вного престо́ла был еси́,/ Богому́дре кня́же Дани́иле,/ на земли́
бо живя́,/ у́мная очеса́ тво́я возводи́л еси́ к живу́щему на Небесе́х
Бо́гу,/ и ны́не всельши́ся с весе́лием во двор Небе́сный,/ блаже́нная
души́ тво́ея у́мную зе́ницу обра́жай на страну́ Росси́йскую/ и
призира́й на держа́ву на́шу,/ и на град твой, и на оби́тель твою́
святу́ю,/ в ней же многоцелёбны́я мо́щи тво́я святы́я/ Христо́вою
бла́гостию су́ть храни́мы.

Блаже́нная души́ тво́ея богозданны́й храм/ многоце́нными
благоле́пных добродете́лей би́серы украси́в/ и покори́в ху́дшее
теломудрово́ание/ лу́чшей богообра́зней души́ тво́ей,/ в Го́рний град
Иерусали́м всели́лся еси́,/ в нёмже светоза́рнаго ве́чнаго блаже́нства
луче́й облиста́емый,/ со а́нгельскими торже́ству́еши ли́ки;/ моли́,
свя́те, Божество́нную Тро́ицу спасти́ всех правове́рных,/ чту́щих
святу́ю па́мять твою́,/ и селений пра́ведных сподо́бити.

Кро́ткаго и смире́ннаго се́рдцем возлю́бив Христа́,/ киче́ние
возненави́дел еси́/ и, душеполе́зным смире́ния путе́м шество́вав,/ оста́вля
кня́жескую вла́сть и многосу́етное мирско́е жити́е,/ всели́лся
еси́ в монасты́рь богоуго́днаго мона́шескаго по́двига,/ пресла́вне
чудотво́рче, кня́же Дани́иле,/ в нёмже благи́й послу́шник быв,/ бо́гопоспешно
смиреному́дрием в Небе́сныя вшел еси́ оби́тели,/ ихже и нас сподо́битися
Христу́ Го́споду Иису́су помоли́ся.

Сла́ва, глас 4: Весели́ся и ра́дуйся, держа́вный гра́де Москво́,/ и да
игра́ют сы́ны тво́я в тебё, све́тло торже́ствующе,/ в па́мь
благове́рнаго Дани́ила,/ от ко́рене Алексе́андрова произра́стша,/ вдов,
сиро́т и ни́щих пита́теля,/ скорбя́щих утёшителя и
прибега́ющих ско́ра помо́шника и засту́пника,/ его́же днёсь честне́й

раце предстояще,/ благоговейно покланяющееся, возопиём:/
Богоблаженне княже Данииле,/ молитвами твоими даруй людям
твоим мир и велию милость.

И ныне, Богородичен: Храм и дверь еси,/ палата и престол Царев,
Дева Всечестная,/ Еюже Избавитель мой Христос Господь/ во тьме
спящим явися,/ Солнце Сый Правды,/ просветити хотя, яже созда по
образу Своему рукою Своею./ Темже, Всепетая, яко материе
дерзновение к Нему стяжавшая,/ непрестанно моли спастися душам
нашим.

<далее см. основной Чин>

Изменяемое №5

По полиелеи седален *глас 8:*

Благочестно и свято житие твое совершив,/ богоугоден показался
еси властитель именитаго града Москвы,/ престол имея, и державу
власти твоея управляя богозаконне,/ и в Бога Истинного веруя,/ от
всех врагов Церковь Святую и вся люди защищая,/ непобедим
явился еси, Данииле приснопамятне, отче наш;/ благоудобрився же
монашеским житием/ и ангельски во обители смиренномудрствуя,/ на
верх добродетелей возшел еси, прекраснаго рая наследие
прием./ Моли Христа Господа прегрешений оставление даровати/
чтущим святую память твою.

Слава, и ныне, Богородичен: Радуйся, Богородице Дево, Мати
Всечистая, непорочное вечныя жизни зеркало,/ Бога Отца
благоволение, Бога Сына жилище,/ Бога Духа Святаго действо,/ Единаго
Триипостаснаго Божества благоукрашенная и совершенная
чистоты обитель./ Радуйся, Ключу Царства Небеснаго,/ отверзающий
вход всем, к Тебе притекающим и зовущим Тебе:/ радуйся, Владычице,
подаждь всем здравое и благовременное пребывание/ и вечна рая со
святыми всеми наследие.

Изменяемое №6

Степенна, 1-й антифон 4-го гласа.

Прокимен *глас 4:* Честна пред Господом/ смерть преподобных Его.

Стих: Что воздам Господеву о всех, яже воздаде ми?

<далее см. основной Чин>

Изменяемое №7

По 50-м псалмѣ стихіра *глас 6:*

Приидіте днѣсь, державнаго града Москвы народи,/ во обитель великаго и чуднаго князя Даниїла,/ в день праздника его веселящеся,/ в храм Бѹга нашего внідем/ и, к раце мощей угодника Его притѣкше,/ духовный составим лик,/ пѣсненными похвалами воспоѣм, глаголюще:/ радуйся, земный Ангеле,/ иже ангельскому житію подражавый чистым житіем своим;/ радуйся, гражданинѣ Небесный и вечныя радости наслѣдникѣ,/ иже приѣмый благий ярѣм Владыки своего Христа и легко понесый,/ и ныне, преблаженне княже Даниїле,/ восприѣмый мзду трудов своих/ и вшедый в радость Господа твоего,/ яко имѣя дерзновение к Немѹ,/ моли в міре пребывати всем, православно чтущим святую пѣмѣть твою,/ получитьи от Христа Бѹга велию милость.

<далее см. основной Чин>

Изменяемое №8

Канѹн святаго *глас 4.*

Пѣснь 1

Ирмос: Моря чермную пучину/ невлажными стопами/ древний пешешествовав Израиль,/ крестообразными Моисѣевыми руками/ Амалікову силу в пустыни победил есть.

Просвети ми ум и озари моя чувства,/ согрешений мрак души моея отгнав, Христѣ Бѹже,/ да чистою совестью возмогу пѣснь составить и возвеличити Твоего угодника,/ блаженного князя Даниїла.

Светолучными блистаними Дѹха Святаго осияваемый,/ явился еси пресветлый светильник Россійския земли, Богомѹдре Даниїле,/ тем ныне светозарному Трѹическому Свѣту предстои,/ моли о наслѣдии земли твоея.

Измлада себе самаго Бѹгу освятил еси/ и чрез всю жизнь твою был еси истинный Христовъ Евѣнгеліа подражатель,/ тем и наслѣдник Божественнаго Царствия познался еси, приснопамятне княже Даниїле.

Богородичен: Седящаго на Херувимех Творца Ты Еди́на, Богоневѣсто, на объятиих носить сподобилася еси/ и явилася еси от всех родов Бѹга Слова Приятелище достойное.

Пѣснь 1

Ирмос: Поим Господеву,/ проведшему люди Своя сквозѣ Чермное море,/ яко Един славно прославися.

О Царстве Небеснем вѣну помышляя,/ земную оставил еси власть, Единого всех Царя Бога возлюбив,/ с Нимже ныне водворяясь в Небесных обителях,/ моли Его о чтущих тя, досточудне Данииле.

От самых пелен матерних избра ты Владыка,/ и, яко храм честный и непорочный, душу твою освяти, и предуготова в жилище Себе,/ и прослави тя в чудесех, Богоблаженне угодниче Христов Данииле.

Младенец по Божественном родителе твоём оставлься,/ Богом воспитан и наставлен еси,/ всех родительских дел истинное зеркало показался еси, блаженне.

Богородичен: Яко Деву Едину в женах, Тя, без семени рождшую Бога плотию,/ вси ублажаем, роди человечестию,/ и, надежду на Тя возложивше, спасаемся,/ и, к Тебе прибегающе, от всяких бед свободаемся.

Пѣснь 3

Ирмос: Веселится о Тебе Церковь Твоя, Христѣ, зовущи:/ Ты моя крепость, Господи,/ и прибежище, и утверждение.

Закону Спасову покаяясь, всеславне Данииле,/ сладострастие плотское отринул еси,/ добродетельною же душею светло просвещаясь,/ Небеснаго Царствия достигл еси.

Великое Церкви был еси украшение,/ в нейже Христу, Царю славы, наследник Небеснаго храма показался еси, блаженне,/ идеже со Ангелы уже пети Творцу удостоился еси.

Терпя, потерпел еси Господа, и услыша тя,/ и внят гласу непрестаннаго моления твоего,/ и воззва тя к вечному веселию, райскаго сотворив наследника.

Богородичен: Владычице Благая,/ всех Творца во утробе Твоей зачѣная и рождающая миру Спаса и Господа,/ Егоже моли, да избавит нас от всяких искушений/ и в чистом житии соблюдет нас.

Ин

Ирмос: Ты еси утверждение/ притекающих к Тебе, Господи,/ Ты еси Свет омраченных,/ и поет Тя дух мой.

Плодными добродетельми украшаемь,/ всяку тлеемую сладость житейскую яве отразил еси,/ к Божией доброте непрестанно взирая.

Яко украшением чудес одеян всегда, чудотворец явился еси,/ мирскаго убо вреда и нас избави, блаженне,/ да поем выну Бога, прославльшаго тя.

Целомудрие соблюд и евангельским украшен разумом,/ смиренномудрствовал еси о Христе/ и ныне с Ним вечно радуешься.

Богородичен: Родила еси, Мати Дево Чистая, Свет неприступный,/ Иже весь мир просвещает яносиятельными зарями Своего Божества.

Седален, глас 4: От корене благого прекрасная ветвь израсл еси/ и, аки благоуханный крин, добродетельми украшен был еси,/ призирая милостию на нища и убога/ и на вся подвластные тебе люди, блаженне и приснопамятне княже Данииле,/ зловерныя же и враждебныя в любовь и смирение преклонив,/ в бдениих и трудех богоугодно пожил еси/ и достойную мзду от Господа твоего приял еси./ Того убо моли даровати душам нашим мир и велию милость.

Слава, и ныне, Богородичен: Божественная скиния была еси, Единая Пречистая Дево Мати,/ чистотою Ангелы превозшедшая и зачэншая во утробе Своей Пребезначальнаго Слова, Собезначальна же Отцу,/ и Сего всему миру Избавителя рождая,/ мене, паче всех оскверненна плотскими прегрешеньми, очисти молитв Твоих Божественными водами,/ подаючи души моей мир и велию милость.

Песнь 4

Ирмос: Вознесена Тя видевши Церковь на Кресте,/ Солнце Праведное,/ ста в чине своем,/ достойно зывающе:/ слава силе Твоей, Господи.

Яко же злато огнем, священнейше,/ воздержанием честное тело твое очистив, красно показал еси Творцу,/ сего ради тебе порфиру нетленну вечнаго блаженства дарова.

Род, и богáтство, и держáву Христá рáди оstäвив/ и взем крест свой, подвизáлся есѣ боголѣпно,/ тем нýне с преподóбных лѣки рáдуешься.

Ревновáв в добродѣтелях Богомýдным отцѣм,/ Евáнгельское сѣмя Бóжия словесѣ в сѣрдце твоѣм насадѣл есѣ, и плод принѣсл есѣ Влады́це,/ тем и мзду от Него́ приял есѣ достóйную.

Богорóдичен: Родилá есѣ в лѣто Безлѣтнаго, Пречѣстая, бýвша Богочеловѣка,/ Того́ ўбо прилѣжно моли́, да свободѣт вѣчнаго мучѣния/ и спасѣт по óбразу Своемý создáннаго человѣка.

Ин

Ирмós: Прорóк Аввакúм ўмныма очýма/ провѣде, Гóсподи, пришѣствие Твое́,/ тем и вопиáше:/ от юга при́дет Бог./ Слáва сýле Твое́й, слáва снизхождѣнию Твоемý.

Умертвѣл есѣ вся плóти смертоно́сныя стрáсти благодáтию Христóвою,/ тем животвóрными твоѣх чудѣс приложѣньми стра́ждущия оживѣ/ и врат смѣртных избáви.

Щитóм оградѣвся благочѣстия,/ был есѣ, блажѣнне, óбраз лю́дем Госпóдним в начáльстве княжѣния и в пребывáнии мона́шества,/ тем вси тебѣ ублажа́ем.

Истóчник чудѣс явѣлся есѣ, Богоблажѣнне кня́же Дани́иле:/ к тебѣ вѣрою приходя́щи и клáняющиися честнѣй твоѣй рáце,/ желáемая приѣмлют исцелѣния.

Богорóдичен: Мáтерь Тя Бóжию вѣмы вси и по рождествѣ явльшуюся нетлѣнну Дѣву,/ Тем моли́ из Тебѣ Рóждшагося,/ да избáвит вѣчнаго тлѣния всех, вѣрою воспева́ющих Тя.

Пѣснь 5

Ирмós: Ты, Гóсподи, мой Свет,/ в мир пришѣл есѣ,/ Свет святýй, обраща́й из мра́чна невѣдѣния/ вѣрою воспева́ющая Тя.

Огнѣм любвѣ Бóжия непрестáнно распаля́ясь,/ оstäвив мир, во обѣтели мона́шествовати извóлил есѣ, всечѣстне,/ тем даровáньми Дýха Святáго обогащѣн,/ чудодѣйством лю́ди спаса́еши.

Се храм твой чудесýи всеблаголѣпно, я́ко звезда́ми свѣтлыми, украша́ется,/ и, веселя́ся, всегда́ блажѣтся и всечестнýю твою́ пáмять прáзднует благочѣстно,/ вели́кий чудотвóрче Дани́иле.

Разлічных напáстей и бед нахождéние тво́ими моли́твами отрази́,
Богоблаже́нне кня́же Дани́иле,/ и всем, усéрдно соверша́ющим
всепра́зднственную па́мять твою́, грехо́в оставле́ние испроси́.

Богоро́дичен: Тебе́ Еди́ну по Бо́зе има́мы Предста́тельницу ро́да
нашего́,/ Тебе́ у́бо про́сим, я́ко има́ши дерзнове́ние к Сы́ну Твоему́ и
Бо́гу на́шему,/ помоли́ся к Нему́, во е́же спасти́ся нам.

Ин

Ирмо́с: У́треннююще, вопи́ем Ти:/ Го́споди, спаси́ ны,/ Ты бо еси́ Бог наш,/ ра́зве
Тебе́, ино́го не ве́мы.

Теку́щая и тле́нная презре́в, нетле́нная сподо́бился еси́ зре́ти,/ и
иде́же вы́ну Христа́ прославля́я, моли́ Его́,/ да нас ве́чныя Своея́
сла́вы насле́дники пока́жет.

Благона́вно и добродете́льно в кня́жестве пожи́л еси́,/ и,
а́нгельскому подража́в жити́ю, во оби́тель всели́лся еси́, ю́же сам
еси́ созда́л,/ и, в ней чи́стым пожи́в жити́ем, ны́не в Небе́сных
водворя́ешься оби́телях.

Я́ко предста́теля тя и засту́пника гра́ду твоему́ и оби́тели твоёй/ и
всем лю́дем росси́йским показá Бог,/ защища́й у́бо град твой,/ ми́рну
же и во всем дово́льну соде́лай оби́тель/ и лю́дем тво́им спасе́ние
исхода́тайствуй.

Богоро́дичен: Пренепоро́чная Нетле́нная Отрокови́це, Богома́ти
Влады́чице,/ при́зри на рабы́ Твоя́, ве́рно прибега́ющия под кров
Твой,/ и моли́ Сы́на Своего́ от вся́ких бед изба́вити нас.

Пёснь 6

Ирмо́с: Пожру́ Ти со гла́сом хвале́ния, Го́споди,/ Це́рковь вопи́ет Ти,/ от
бесо́вския кро́ве очи́щшися/ ра́ди ми́лости от ребр Твои́х/ истéкшею Кро́вию.

Предсто́я при́сно Престо́лу Тро́ичныя благода́ти,/ со все́ми
ра́дуяся А́нгелы и ми́ру исцелéний бога́тство подава́я,/ спаси́ всех
нас моли́твами тво́ими.

Отверзо́шася тебе́ двéри Еде́мския,/ и жи́тели Небе́сныя с вели́ким
весéлием и ра́достью тя прия́ша,/ иде́же с ни́ми ра́дуяся, вы́ну всех
ми́лостивно посеща́й/ и ве́рно чту́щих тя помина́й.

Явѣлся есѣ людем твоѣм предстатель тёплый,/ вдов и сирот заступник,/ нищих питатель, скорбящих утешение,/ граду и обители твоѣй утверждение.

Богородичен: Явилася есѣ Избавительница рода человеческого, Мати Бѣга нашего,/ тем Ти вѣрно припадаем:/ Сына Твоего, яко Блага, моли, Всенепорочная,/ от всяких бед и искушений избавити ны.

Ин

Ирмос: Ризу мне подаждь светлу,/ одеяйся светом, яко ризою,/ Многомилостиве Христѣ Бѣже наш.

Дар Бѣжий желаемый дался есѣ Россѣи, богатыми чудес дарами сияющ,/ тем, вѣну Троичными озарѣнии осияваем,/ множеству святых лик сликовствовати сподобился есѣ.

Рака, идеже лежат честныя твоя и святыя мѣщи, Богоблаженне княже Даниїле,/ источник чудес изливает с вѣрою приходящим и поклоняющимся тебѣ.

Блажен град, блаженна и обитель, в нейже в житиѣ твоѣм подвизатися изволил есѣ,/ и по смѣрти твоѣй, яко многоценный дар, мѣщи твоя оставив,/ призвавши на всех, живущих в ней.

Богородичен: Во многия беды и напасти впад,/ бурею одержим безчисленных согрешений,/ сего ради к Тебѣ, яко к тёплому предстательству, прибегаю, Дѣво:/ моли из Тебѣ воплощагося Бѣга,/ да прегрешений оставление подаст рабѣ Твоему.

Кондак, глас 4: Избранный Бѣгом от чресл родительских/ и воспитанный от младенчества в законѣ Господни в мужа совершенна/ и Промыслом Вѣшняго, имениаго града Москвы наследие княжества прием,/ вѣрен строитель благочестивым людем твоѣм показался есѣ, Богоблаженне Даниїле,/ ихже образом своим наставляя/ и поучая заповедей Господним вѣну,/ путѣм, ведущим в живѣт вѣчный, прѣсно шествуя,/ Небеснаго Царства достигл есѣ,/ идеже со ангельскими водворяясь лики, поѣши Бѣгу: Аллилуїя.

Ўкос: Ангел во плѣти на землѣ показался есѣ, Богомудре княже Даниїле,/ слава непрестанно Творца небу и землѣ,/ всяким бо

образом волю Его чрез всю твою жизнь исполните потщался еси,/ всем благотворя, приял еси от Христа дар чудотворения,/ темже зовем ти:/ радуйся, яко от младенчества Богом избанный;/ радуйся, яко Темже в гражданство Небесное званный./ Радуйся, яко державу власти твоея благочестием и правдою украсил еси;/ радуйся, яко на враги зловерцы и враждотворцы от Бога получивый победы./ Радуйся, яко, оставив мир прелестный, к тихому пристанищу равноангельскаго жития притекл еси,/ в немже показал еси всем образ воздержания;/ радуйся, яко за толики подвиги твоя сподобивыйся от Христа благодати и чудес дарования./ Радуйся, яко в Небе со всеми святыми Живоначальную Троицу зриши/ и Той выну поеши: Аллилуия.

Песнь 7

Ирмос: В пещи авраамстии отроцы персидстей,/ любовь благочестия паче,/ нежели пламенем, опаляеми, зываху:/ благословен еси в храме славы Твоея, Господи.

Утревев к Богу от младенчества, всебогате,/ тмы избегл еси телесных страстей,/ воздержанием и даром чудес обогатился еси, преподобне,/ и ныне с Горними водворяясь лики, поеши Творцу:/ благословен еси в храме славы Твоея, Господи.

Во всю Россию пройде слава чудес Твоих, блаженне,/ имиже просветил еси люди твоя,/ иже, твоим чудодейством от всяких бед и напастей избавляеми, поют Творцу:/ благословен еси в храме славы Твоей, Господи.

Песнями и пеньми духовными хвалим тя, блаженне,/ и честную твою и многоцелебную обстояще раку, сие вопием прославльшему тя Творцу:/ благословен еси в храме славы Твоея, Господи.

Богородичен: Дева пребыла еси по рождестве,/ якоже была еси прежде рождества,/ Бога бо Слова родила еси, избавляющего ны ходатайством Твоим,/ Емуже, вернии, непрестанно поем:/ благословен еси в храме славы Твоея, Господи.

Ин

Ирмос: Отроцы еврейстии в пещи/ попраша пламень дерзновенно/ и на росу огонь преложивша, вопиюще:/ благословен еси, Господи Боже, во веки.

Стопáм послéдуя я́ве всеблаже́ннаго родите́ля твоего́ Алекса́ндра,/ Богому́дре приснопа́мятне кня́же Дани́иле,/ насле́дие кня́жества Моско́вскаго восприя́л еси́,/ последи́ же ино́ческим жити́ем прешéл еси́ в Го́рняя оби́тели,/ иде́же вы́ну поéши отце́в Бо́га Благословéннаго.

В по́стничестве и бде́нных моли́твах богому́дренно пожи́л еси́/ и непреста́нно сла́вил Творца́ твоего́, воспева́я Ему́:/ отце́в Бо́же, благословéн еси́.

Богорóдичен: Я́ко Кра́сная, Кра́снаго родила́ еси́,/ безобра́зие на́ше обрати́вшего в пе́рвый о́браз, О́трокови́це Всенепоро́чная,/ Ему́же поéм: отце́в Бо́же, благословéн еси́.

Пéснь 8

Ирмо́с: Ру́це распростéр, Дани́ил/ льво́в зия́ния в ро́ве затче́;/ о́гненную же си́лу угаси́ша,/ добродéтелию препоя́савшеся,/ благоче́стия рачи́тели, о́троцы, взыва́юще:/ благослови́те, вся дела́ Госпо́дня, Го́спода.

Досто́йно днёсь в преста́влении твоéм торже́ствуёт держа́вный град Москвá,/ досто́йно и оби́тель твоя́ честна́я, ю́же созда́л еси́,/ в ней же святы́я твоя́ почива́ют мо́щи, ублажа́я тя, Творцу́ взыва́ет:/ благослови́те, вся дела́ Госпо́дня, Го́спода.

Ми́лостивными тво́ими щедро́тами ни́щих и убо́гих напитáл еси́/ и сам от Христа́ вéчную получи́л еси́ ми́лость,/ Ему́же вы́ну предсто́я, со А́нгелы поéши:/ благослови́те, вся дела́ Госпо́дня, Го́спода.

Вели́кое твоé заступле́ние и предста́тельство воспомина́ем, Богоблаже́нне кня́же Дани́иле,/ и сего́ ра́ди собра́вшеся в де́нь па́мяти твоея́,/ я́ко о́бщему всех нас засту́пнику, хвалу́ возда́ем ти, воспева́юще:/ благослови́те, вся дела́ Госпо́дня, Го́спода.

Богорóдичен: Вседержи́тельною си́лою нося́й вся́ческая/ в челове́ческую плóть из Тебе́ оде́яся, Де́во Всенепоро́чная, на благоде́яние пою́щим:/ благослови́те, вся дела́ Госпо́дня, Го́спода.

Ин

Ирмо́с: Богоглаго́ливии о́троцы, в пещи́/ со о́гнем пла́мень попира́юще, пояху́:/ благослови́те, дела́ Госпо́дня, Го́спода.

Днёсь вели́каго гра́да Москвы́ наро́ди,/ стéкшеся отвсю́ду в честну́ю оби́тель благове́рнаго кня́зя Дани́ила,/ в де́нь

празднственный пáмяти егó, Творцú воспоём:/ благословíte, дела́ Господня, Гóспода.

Приидíte, вси святíteли и вси священнх собóри, в храм Бóга нашего,/ идéже лежáт мóщи вели́каго князя Даниíла,/ íхже облобызáюще, Творцú вопиём:/ благословíte, дела́ Господня, Гóспода.

Днёсь Цérковь Христо́ва, прáзднующи Даниíлово торжество́, сущее о Бóзе,/ всех созывáет вёрных к похвалé угóдника Христо́ва,/ íже исцелéние источáет véрою приходящих к нему́ и пою́щим Творцú:/ благословíte, дела́ Господня, Гóспода.

Богорóдичен: Глагóлом Иса́ии прорóка последующе, Богорóдицу Тя исповéдуем:/ родилá бо есí Отрочá, всех дрéвнейшее, нарицáемое Емману́ил, Емúже зовём:/ благословíte, дела́ Господня, Гóспода.

Пéснь Богорóдицы: Вели́чит душá моя Гóспода: *<см. основной Чин>*

Пéснь 9

Ирмóс: *Кáмень неруко́сечный/ от несекóмья гóры, Тебé, Дéво,/ краеуго́льный отсечéся,/ Христóс, совокупíвый разстоя́щаяся естества́./ Тем, веселя́щися, Тя, Богорóдице, велича́ем.*

Днёсь стéкшеся во обíтель твою́ и в храм Бóга нашего, благовёрный кня́же Даниíле, прилéжно мо́лимтися:/ пода́ждь лю́дем мирное здрáвие и в скóрбех рáдостное утешéние,/ да ты, скóраго защíтника нашего, véрою ублажа́ем.

Основáтеля и первоначáльника, кня́зя гра́да Москв́ы, Богоблаже́нне кня́же Даниíле, показá ты Господь,/ к Немúже непрестáнно моля́ся, град и обíтель твою́ от всяких бед спасáй и мíлостивно посещáй.

Пáмять прáздника твоегó хва́ляще,/ вси лю́дие твой со мно́жеством íночествующих по́стник покланя́ются тебé/ и, вíдяще от Бóга да́нная ти преслáвная чудеса́, про́сят от Тебé мíлости,/ íхже мо́ления не прéзри.

Богорóдичен: Свет рóждшая – Иисúса Гóспода,/ просвещáяй всякаго челове́ка, Дéво Богома́ти,/ тем Тя мо́лим:/ от всяких бед и напáстей

люди Твоя избави,/ да Тя, Заступницу рода нашего, присно величаем.

Ин

Ирмос: Чистую славно почитим, людие, Богородицу,/ огонь Божества приимшую во чреве неопально,/ песньми величаем.

Едино Божество в Трех Ипостасех,/ Богоначальную и Всетворящую Вину в житии твоём присно величал еси,/ предстоя Ему, моли о людех твоих,/ во еже от всяких бед и напастей спастися им.

Ревность великую показал еси к благочестию, Данииле блаженне,/ преизряден образ быв всем людем твоим,/ тем ныне предстоя всех Творцу,/ молися, да от всех бед и искушений избавит/ и наследники Царствия Своего покажет ны.

Елико велик в православном княжении твоём, Богомудре княже Данииле, был еси,/ толико смирил еси себе,/ темже Всеблагий Бог тя превознесё и дарова тебе Небесное наследие и чудес благодать,/ юже верным людем твоим милостивно подаваяй,/ ко Господу о нас помолися.

Богородичен: Избавителя и Спаса нашего родила еси, Всенепорочная Дево,/ Сего убо моли избавити нас прегрешений наших/ и наследники Царствия Своего сотворити,/ да Тя, Предстательницу нашу, присно величаем.

<далее см. основной Чин>

Изменяемое №9

Светилен:

Богоначальныя и Всебожественныя Троицы Светом озарився,/ свет, добросияющий благодатию Иисус Христовою,/ всей России явился еси, благородный княже Данииле,/ озаритися убо и нам Пребожественным светом Живоначальную Троицу моли,/ да, с тобою вечныя радости наслаждающиеся, воспоём Бога, прославльшаго тя.

Слава, и ныне, Богородичен: Всю надежду спасения нашего на Тя возлагаем, Богомати Неискусобрачная,/ и на помощь присно Тя призываем:/ от напасти врага и печали спаси нас,/ греховныя

пленицы зол наших разрешая, вѣчнаго огня исхити,/ да Тя,
Предстательницу рода нашего, присно величаем.

<далее см. основной Чин>

Изменяемое №10

На стиховне стихиры *глас 4:*

Званію Владыки твоего Христа,/ Иже рече: гряди в след Мене,/ усердно последовал еси, Богомудре княже Данииле,/ взем бо крест – непобедимое оружье,/ на страсти пагубныя мужески укрепився,/ победил еси видимых и невидимых врагов полчища/ и, zde пожив богоугодно,/ ныне на Небесех почиваеши с миром.

Стих: Честна пред Господем/ смерть преподобных Его.

Терпение много стяжав,/ от завистующих на твое отечественное наследие/ премогл еси вся приключившаяся напасти,/ благоверный княже Данииле,/ Богомощным постом и богоприятною молитвою,/ Небесная дарования от Христа прием врачевати всякия болезни,/ даруй убо и нам всяких бед освобождение.

Стих: Блажен муж, бояйся Господа,/ в заповедех Его восхощет зело.

Богомудренным смыслом в заповедех Божиих пребыл еси тверд,/ Православною укрепляемъ верою,/ крепце оправдания Господня совершая,/ Богоблаженне княже Данииле,/ жития целомудрием в постничестве пожил еси,/ богоприятными молитвами удивил еси люди своя,/ имиже испроси у Христа Бога велию милость.

Слава, и ныне, глас 6: Возсия днесь радостная память всем благочестивым людем,/ паче же державному граду Москве,/ в нем же лежат святые мощи/ всеблаженного князя Даниила,/ иже к честней его раце верно приходящих/ от бед избавляет/ и вражия наветы разоряет,/ отечеству устрояет мир/ и о всем роде Российском непрестанно молит Всеблагого Бога,/ да, от всяких бед и напастей избавльшеся,/ получим вси молитвами его Царство Небесное.

<далее см. основной Чин>

Утром 17 марта

Изменяемое №11

По 1-м стихословии седальны *глас 5:*

Благій ярём и лёгкое Евангелія заповедей Бóжих брѣмя/
богомúдренне возжелáл есѝ носѝти, досточúдне княже Дани́иле,/ и, в
таковом трудѣ и пódвиге велиáрова злокóзнства поправ,/ не
обременѝлся есѝ грехáми, добродѣтелями же благоукрасѝлся есѝ,/
тем и легкó прешѣл есѝ в Небѣсныя обѣтели.

Слáва, и ны́не, Богорóдичен: <далее см. основной Чин>

Изменяемое №12

По 2-м стихослóвию седáльны *глас 4:*

По óбразу Бóжию благорóдие боготвóрныя душѝ имѣя, óтче
преподóбне и чудотвóрче Дани́иле,/ непрестáнно во всем твоѣм
житѝи Боготворящей всех сýщих Винѣ,/ Трóическому в Божествѣ
Едѝнству восперѣн богомýсленне был есѝ,/ тѣмже и по подóбию
всяким достодóлжнством благочѣстия благоукрасѝлся есѝ
совершенне./ Моли́ Творцá нáшего Гóспода,/ да нас, согрѣшших,
спасѣт и по подóбию благочестѝвы сотворѣт.

Слáва, и ны́не, Богорóдичен: <далее см. основной Чин>

Изменяемое №13

Тропа́рь *глас 4:*

Княжѣния твоегó слáву отложѝв,/ озаря́емый Божѣственною
благодáтию,/ Богомúдре княже Дани́иле,/ вѣсь рáзум в сѣрдце от
сýетнаго мѝра сегó/ к Зиждѣтелю неуклóнно возложѝл есѝ/ и, я́ко
звездá на востóце Россѝйскаго госудáрства просия́л есѝ,/
целомúдрием же и равноáнгельным твоѝм житиѣм/ течѣние дóбре
совершáя,/ вѣру соблю́л есѝ непорóчну,/ тем и по смѣрти прослáви
тя Бог в чудесѣх,/ я́ко источáеши исцелѣния вѣрно притекáющим к
честнѣй рáце твоѣй;/ сегó рáди днѣсь прáзднуем успѣние твоѣ,
лю́дие твоѝ./ Ты же, я́ко й́маши дерзновѣние ко Христú,/ моли́ спасти́
отѣчество твоѣ/ и мѝрней бýти держáве нáшей.

<далее см. основной Чин>

Изменяемое №14

На хвалѣ́тех стихѝры:

Стѝх: Сотвори́ти в них суд напѝсан./ Слáва сѝя бýдет всем преподóбным Егó.

Стѝх: Хвалѣ́те Бóга во святы́х Егó,/ хвалѣ́те Егó во утвержѣ́нии сѝлы Егó.

Стѝх: Хвалѣ́те Егó на сѝлах Егó,/ хвалѣ́те Егó по мнóжеству велѣ́чества Егó.

Глас 4: Дал еси́, Христé Бóже, Россíйстей землí/ чудотвóрца преслáвна, Даниíла блажéннаго,/ всем в бедáх скóраго помóщника,/ вдов и сирóт застúпника,/ плéнных свободiтеля и нiщих питáтеля,/ светiльника всесвётлаго, вся Россíйския страны́ просвещáющаго/ и лю́ди своя́ от всяких бед избавля́ющаго,/ егóже молiтвами дáруй гра́ду и обiтели нáшей утверждéние/ и лю́дем Твои́м вéлию мiлость.

Стúх: *Хвалiте Егó во гласе тру́бнем,/ хвалiте Егó во псалтiри и гýслех.*

Дал еси́, Христé Бóже, Цéркве непоколебiмага столпá,/ угóдника Твоегó Даниíла блажéннаго,/ благочéстия явiтеля, нечéстия и вражды́ прогонiтеля,/ вéры Правослáвныя утверждéние,/ крéпкое целомúдрия забрáло/ и равноáнгельнаго житiя́ чiстое зерцáло,/ Безплóтных чистоты́ подражáтеля,/ воздержáния наставника,/ пóстников и преподóбных сожiтеля,/ егóже молiтвами град и обiтель нáшу невредiму сохрани́/ и лю́дем Твои́м дáруй вéлию мiлость.

Стúх: *Хвалiте Егó в тимпáне и ли́це,/ хвалiте Егó во стру́нах и оргáне.*

Дал еси́, Христé Бóже, великоименiтому твоemú гра́ду Москвé/ крéпкаго защiтника, Даниíла всеблажéннаго,/ князём похвалу́ и утверждéние,/ врагóв преслáвнаго победiтеля,/ христиáном рáтника непобедiмага,/ отéчество своё неотстúпно храня́ща,/ óбщаго всех предстáтеля и помóщника,/ егóже молiтвами дáруй на врагi побéду/ и лю́дем Твои́м низпослi вéлию мiлость.

Стúх: *Хвалiте Егó в кимвáлех dobroглáсных, хвалiте Егó в кимвáлех восклицáния./ Всякое дыхáние да хвáлит Гóспода.*

Дал еси́, Христé Бóже,/ всем правослáвным лю́дем Твои́м чудéс неисчерпáемую пучiну,/ всехвáльнаго князя́ Даниíла,/ и всем, приходя́щим к нему́, исцелéний истóчника,/ скóрбным всем предстáтеля, боля́щим врачá предiвнаго,/ в скóрбех и печáлех сýщим утéху и отчáянным непосты́дную надéжду,/ егóже молiтвами вся вра́жия разрушi шатáния/ и лю́дем Твои́м дáруй вéлию мiлость.

Слáва, глас 6: Приидiте днёсь, москóвстии наро́ди,/ восхвáлим первоначáльнаго гра́ду нáшему основáтеля/ и пёрваго в гра́де своём начáльника,/ досточúднаго князя́ Даниíла,/ приидiте, псалóмски

восплещем рука́ми,/ духо́вное его́ торже́ство днесь пра́зднующе/ и
яко дѣвнаго заступника́ нашего́ сла́вяще,/ приидѣте, к честнѣй его́
ра́це припадѣм,/ многоцелѣбныя его́ мо́щи облобыза́юще,/ и,
благоговѣ́нно почита́юще, возопиѣм ему́, глаго́люще:/ ра́дуйся,
великоименита́го гра́да твоего́ заступниче;/ ра́дуйся, всех люде́й
твои́х крѣпкое утвержде́ние/ и всех христиа́н поборо́ниче,/ о них
Христу́ непреста́нно моли́ся, дарова́ти мир и ве́лию ми́лость.

И ны́не, Богоро́дичен: <см. основной Чин>

Изменяемое №15

Кондак *глас 4:*

Избра́нный Бо́гом от чресл роди́тельских/ и воспита́нный от
младѣнчества в зако́не Госпо́дни в му́жа соверше́нна/ и Про́мыслом
Вы́шняго, именита́го гра́да Москвы́ насле́дие кня́жества приѣм,/
ве́рен строи́тель благоче́стивым лю́дем твои́м показáлся еси́,
Богоблаже́нне Дани́иле,/ ихже о́бразом свои́м наставля́я/ и поуча́я
за́поведем Госпо́дним вы́ну,/ путе́м, веду́щим в живо́т ве́чный,
при́сно ше́ствуя,/ Небе́снаго Ца́рства дости́гл еси́,/ иде́же со
а́нгельскими водворя́йся ли́ки, поѣши Бо́гу: Аллилу́ия.

<далее см. основной Чин>

На Литургии

Изменяемое №20

Прокі́мен, *глас 6:* Блаже́н муж, боя́йся Го́спода, в за́поведех Его́
восхо́щет зело́. *Стих:* Си́льно на земли́ бу́дет се́мя его́.

Изменяемое №21

Аллилу́иа, *глас 8:* Терпя потерпех Господа, и внят ми и услыша
молитву мою. *Стих:* Блаже́н муж, ему́же е́сть И́мя Госпо́дне упова́ние
его́.